



Bosnia and Herzegovina
AGENCY FOR STATISTICS OF
BOSNIA AND HERZEGOVINA

Broj: JN1-16-4-4-11/20

Sarajevo, 01.09.2020. godine

Na osnovu člana 69. stav (2), tačka d), člana 70. stav (1), (4) i (6) Zakona o javnim nabavkama BiH ("Službeni glasnik BiH", broj 39/14) i Preporuke komisije za javnu nabavku broj JN1-16-4-4-10/20 od 01.09.2020. godine u postupku javne nabavke usluge Internet veze – lokacija Brčko, v.d. direktor Agencije za statistiku BiH donosi:

ODLUKU
o poništenju postupka javne nabavke

Član 1.

Poništava se postupak javne nabavke usluge Internet veze – lokacija Brčko iz razloga što nijedna od primljenih ponuda nije prihvatljiva, u skladu sa članom 69. stav (2), tačka d) Zakona o javnim nabavkama BiH ("Službeni glasnik BiH", broj 39/14).

Član 2.

Za izvršenje ove odluke zadužuje se i ovlašćuje Sektor za opće, pravne i računovodstvene poslove Agencije za Statistiku BiH.

Član 3.

Ova odluka objavit će se na Web stranici Agencije za statistiku BiH (www.bhas.gov.ba), istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: JN1-16-4-4-1/20 od 10.07.2020. godine.

Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke bez PDV-a je 4.150,00 KM. Obavjest o nabavci broj: 11-7-2-16-3-4/20 poslata je na objavu i objavljena na Portalu javnih nabavki dana 14.07.2020. godine.

Poziv za dostavu ponuda je prosljeden slijedećim ponuđačima (istovremeno sa slanjem obavještenja o nabavci na Portal javnih nabavki):

1. "Logosoft" d.o.o. Sarajevo
2. "Telemach" d.o.o. Sarajevo
3. "BH Telecom" d.o.o. Sarajevo

Komisija za javnu nabavku imenovana je Rješenjem broj: JN1-16-4-4-2/20 od 10.07.2020. godine.

Komisija za javnu nabavku dostavila je dana 01.09.2020. godine Zapisnik o ocjeni i analizi pristiglih ponuda broj: JN1-16-4-4-9/20 od 31.08.2020. godine i Preporuku o poništenju postupka javne nabavke broj: JN1-16-4-4-10/20 od 01.09.2020. godine u postupku javne nabavke usluge Internet veze – lokacija Brčko.

U postupku po Zapisniku o ocjeni i analizi pristiglih ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 3;
- da su blagovremeno zaprimljene 3 ponude i to: "Mtel" a.d. Banja Luka, "Telemach" d.o.o. Sarajevo i "Europronet Bosnia" d.o.o. Sarajevo ;
- da nije bilo neblagovremeno zaprimljenih ponuda;
- da ponude ponuđača "Mtel" a.d. Banja Luka, "Telemach" d.o.o. Sarajevo i "Europronet Bosnia" d.o.o. Sarajevo nisu prihvatljive iz slijedećih razloga:

Komisija je uvidom u ponudu broj: 1-04-74-6120-1/20 od 24.07.2020. ponuđača „Mtel“ a.d. Banja Luka konstatovala da je od strane 63 do 68 u okviru ponude dostavljena kopija Dozvole za obavljanje djelatnosti davaoca pristupa internetu sa Rješenjem o registraciji sa datumom ovjere istih kod nadležnog organa na dan 15.04.2020. godine. Tačkom 3.2. tenderske dokumentacije traženo je da priloženi dokazi ne mogu biti stariji od 3 mjeseca računajući od dana krajnjeg roka za prijem ponuda. Komisija je konstatovala da je priloženi dokaz stariji od 3 mjeseca, te da ponuđač „Mtel“ a.d. Banja Luka nije ispunio traženi uslov iz TD, te se ponuda navedenog ponuđača odbacuje kao neprihvatljiva u skladu sa članom 68. stav (4), točka i) ZJN BiH („Službeni glasnik BiH“, br. 39/14).

Komisija je prilikom pregleda i analize ponude ponuđača „Telemach“ d.o.o. Sarajevo broj: 190/20 od 24.07.2020. utvrdila da je ponuđač na strani br. 5 u obrascu za ponudu propustio upisati broj obavještenja sa portala javnih nabavki, te ja tako dostavio nepotpun obrazac za ponudu. Navedeno je bio dužan u skladu sa članom 9. stav (2), tačka a) „Uputstva za pripremu modela tenderske dokumentacije i ponuda“, („Sl. glasnik BiH“ br. 90/14). Nadalje, u okviru obrasca za cijenu ponude pod stavkom Ukupan iznos PDV-a na mjesečnom nivou (KM) ponuđač je vršio korekciju iznosa koja nije potvrđena potpisom ponuđača i sa datumom izvršene ispravke. Navedeno je ponuđač bio dužan u skladu sa članom 18. stav (1), točka m) „Uputstva za pripremu modela tenderske dokumentacije i ponuda“, („Sl. glasnik BiH“ br. 90/14). Takođe, navedeni ponuđač je na strani 59 u okviru ponude dostavio Potvrdu o uspješno izvršenom ugovoru koja sadrži naziv i sjedište samo jedne ugovorne strane, što je u suprotnosti sa članom 48. stav (3), tačka a) Zakona o javnim nabavkama BiH („Službeni glasnik BiH“, br. 39/14). Ponuđač je dostavio u cjelosti nepopunjenu izjavu iz člana 45. stav (1) tač. a) do d) Zakona, tačnije nije unio adresu ponuđača u obrazac Izjave.

Na osnovu svih prethodno sagledanih činjenica komisija je zauzela stav da se ponuda ponuđača „Telemach“ d.o.o. Sarajevo broj: 190/20 od 24.07.2020. odbaci kao neprihvatljiva u skladu sa članom 68. stav (4), tačka i) ZJN BiH („Službeni glasnik BiH“, br. 39/14).

Komisija je prilikom pregleda i analize ponude broj: CEO-02-002-249/20 od 20.07.2020. ponuđača „Europronet Bosnia“ d.o.o. Sarajevo utvrdila da je na strani 31 ponuđač dostavio Potvrdu o uspješno izvršenom ugovoru koja sadrži naziv i sjedište samo jedne ugovorne strane, što je u suprotnosti sa članom 48. stav (3), tačka a) Zakona o javnim nabavkama BiH („Službeni glasnik BiH“, br. 39/14). Navedenim članom zakona je precizirano da potvrda o uredno izvršenim ugovorima između ostalog mora sadržavati naziv i sjedište ugovornih strana ili privrednih subjekata. Komisija konstatuje da se ponuda

navedenog ponuđača odbaci kao neprihvatljiva u skladu sa članom 68. stav (4), točka i) ZJN BiH („Službeni glasnik BiH“, br. 39/14).

Nadalje, u postupku ocjene provedenog postupka v.d. direktor Agencije za statistiku BiH nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke komisije za nabvku.

U postupku je utvrđeno da je Komisija u svemu pravilno postupila, te da je preporuka o poništenju postupka nabavke data u skladu sa Zakonom, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da nijedna od primljenih ponuda nije prihvatljiva, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2), tačka d) Zakona o javnim nabavkama, odlučeno je kao u članu 1. ove odluke.

Pouka o pravnom lijeku: Protiv ove Odluke može se izjaviti žalba najkasnije u roku od 5 (pet) dana od dana prijema ove odluke. Žalba se podnosi ugovornom organu Agencija za statistiku BiH, ul. Zelenih beretki 26, 71 000 Sarajevo.



v.d. Direktor
Vesna Čužić
Vesna Čužić

Dostaviti: - Ponuđačima
- Web stranica